



Broj: 16-12-16-6024- 6 /23
I. Sarajevo, 10.08 2023. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 69. stav (2) tač. d) i e) člana 70. st. (1), (2), (4) i (6) Zakona o javnim nabavkama ("Službeni glasnik BiH", br. 39/14 i 59/22), na preporuku Komisije za nabavke za potrebe Državne agencije za istrage i zaštitu u 2023. godini broj 16-12-16-6024/23 od 08.08.2023. godine, u postupku javne nabavke usluga servisiranja sistema grijanja i hlađenja i održavanja sistema klimatizacije serverske sale za potrebe Državne agencije za istrage i zaštitu, direktor Državne agencije za istrage i zaštitu,

d o n o s i

ODLUKU

o poništenju postupka javne nabavke usluga servisiranja sistema grijanja i hlađenja i održavanja sistema klimatizacije serverske sale za potrebe Državne agencije za istrage i zaštitu

Član 1.

Poništava se postupak javne nabavke usluga servisiranja sistema grijanja i hlađenja i održavanja sistema klimatizacije serverske sale za potrebe Državne agencije za istrage i zaštitu (daljem tekstu: Agencija), putem Konkurentskog zahtjeva za dostavljanje ponuda, iz razloga što ukupna cijena iz ponude ponuđača „ALFA THERM d.o.o. Mostar“ prelazi planirana odnosno osigurana novčana sredstva Agencije.

Član 2.

Ova odluka objavit će se na web stranici Agencije, istovremeno s upućivanjem ponuđaču koji je učestvovao u postupku javne nabavke.

Član 3.

Ova odluka stupa na snagu danom donošenja.

O b r a z l o ž e n j e

Odlukom broj 16-12-16-6024-1/23 od 17.07.2023. godine pokrenut je postupak javne nabavke usluga servisiranja sistema grijanja i hlađenja i održavanja sistema klimatizacije serverske sale za potrebe Agencije, procijenjene vrijednosti 44.000,00 KM bez uračunatog PDV-a, za koji je obavještenje o javnoj nabavci broj 1161-7-2-153-3-37/23 od 21.07.2023. godine objavljeno na Portalu javnih nabavki. Novčana sredstva za realizaciju navedene nabavke obezbijedena su u okviru budžetskih sredstava za 2023. godinu, a na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2023. godinu („Službeni glasnik BiH“, broj 22/23) i Dokumenta okvirnog budžeta 2023.-2025. godine. Za navedeni postupak javne nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16).

Obzirom da je tačkom 6.1. Konkurentskog zahtjeva navedeno da je rok za dostavljanje ponuda 04.08.2023. godine do 13,00 sati, te da se ponude dostavljaju u zatvorenoj koverti, Komisija je dana 04.08.2023. godine u 14,00 sati izvršila javno otvaranje ponuda, te utvrdila da je blagovremeno dostavljena jedna ponuda i to:

R/B	Naziv ponuđača	Ponuđena cijena bez uračunatog PDV-a
1.	„ALFA THERM d.o.o. Mostar“	66.248,00 KM

Komisija je nakon otvaranja ponude u smislu člana 63. st. (5) i (6) Zakona o javnim nabavkama (u daljem tekstu: Zakon), sačinila Zapisnik o otvaranju ponude i isti u roku od tri dana, od dana otvaranja dostavila ponuđaču. Postupak je dalje nastavljen u smislu pregledanja dokumentacije priložene uz ponudu, a u cilju ocjenjivanja ponuđača i njegove kvalifikovanosti shodno uslovima navedenim u Konkurentskom zahtjevu.

Komisija je utvrdila da je ponuda ponuđača „ALFA THERM d.o.o. Mostar“ neprihvatljiva, iz razloga što ukupna cijena iz ponude ponuđača „ALFA THERM d.o.o. Mostar“ prelazi planirana odnosno osigurana novčana sredstva Agencije. Uvidom u Obrazac za cijenu ponude ponuđača „ALFA THERM d.o.o. Mostar“, utvrđeno je da ukupna cijena iz tehničke specifikacije iznosi 66.248,00 KM bez uračunatog PDV-a, dok je Konkurentskim zahtjevom propisano da procijenjena vrijednost javne nabavke iznosi 44.000,00 KM bez uračunatog PDV-a.

Članom 2. stav (1) tačka 1) alineja 1) Zakona propisano je između ostalog, da se neprihvatljivom ponudom smatra ponuda čija cijena prelazi planirana, odnosno osigurana novčana sredstva ugovornog organa za nabavku.

Takođe, prije donošenja odluke o pokretanju procedure javne nabavke usluga servisiranja sistema grijanja i hlađenja i održavanja sistema klimatizacije serverske sale za potrebe Agencije, Agencija je još jednom izvršila procjenu i kontrolu vrijednosti javne nabavke, te utvrdila da je na osnovu iskustva prethodnog postupka koji je realizovan u mjesecu junu 2023. godine, procedura javne nabavke poništena ne zbog prekoračenja procijenjene vrijednosti javne nabavke nego iz formalno-pravnih uslova propisanih Konkurentskim zahtjevom.

Imajući u vidu naprijed navedeno, Komisija ponudu ponuđača „ALFA THERM d.o.o. Mostar“, nije uzela u dalje razmatranje.

Cijeneći naprijed navedeno, prihvaćena je preporuka iz Izvještaja o radu Komisije, te odlučeno da se u skladu sa odredbom člana 69. stav (2) tač. d) i e) Zakona poništi postupak javne nabavke usluga servisiranja sistema grijanja i hlađenja i održavanja sistema klimatizacije serverske sale za potrebe Agencija, a kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđaču;
- Sektoru za mat.-fin. poslove;
- a/a.


DIREKTOR
GLAVNI GENERALNI INSPEKTOR POLICIJE
Darko Čulum